



Broj: 04-04-4-2183/23  
Sarajevo, 27. 7. 2023. godine

**SAOPĆENJE ZA JAVNOST O OBJAVLJENOM IZVJEŠTAJU REVIZIJE UČINKA  
„PRAĆENJE REALIZACIJE PREPORUKA IZ IZVJEŠTAJA 'EFIKASNOST PLANIRANJA I  
REALIZACIJE MJERA ZA UBLAŽAVANJE EKONOMSKIH POSLJEDICA PANDEMIJE  
COVID-19'“**

Ured za reviziju institucija u Federaciji Bosne i Hercegovine proveo je praćenje realizacije preporuka iz Izvještaja revizije učinka „Efikasnost planiranja i realizacije mjera za ublažavanje ekonomskih posljedica pandemije COVID-19“, objavljenog u junu 2021. godine. Cilj je bio ispitati preduzete aktivnosti na osnovu Izvještaja i ocijeniti u kojoj mjeri su date preporuke realizovane.

Ispitane su aktivnosti Vlade FBiH, kojoj su bile upućene preporuke, te dva federalna ministarstva (Federalno ministarstvo energije, rudarstva i industrije i Federalno ministarstvo razvoja, poduzetništva i obrta), koja su bila nadležna za realizaciju mjera za ublažavanje ekonomskih posljedica pandemije provedenih nakon objave matičnog Izvještaja.

Rezultati praćenja su pokazali da **date preporuke nisu u potpunosti realizovane. Od deset datih preporuka realizovane su tri, djelimično pet, a za dvije nije vršena procjena realizacije** jer u posmatranom periodu nisu bile relevantne.

**Parlamentarna komisija odgovorna za reviziju razmatrala je i usvojila matični Izvještaj revizije učinka, ali nisu doneseni konkretni zaključci, kojima bi se obavezale nadležne institucije na efikasnu realizaciju preporuka. Vlada FBiH koja je bila odgovorna za realizaciju preporuka nije razmatrala Izvještaj niti je izradila plan aktivnosti o postupanju po preporukama.**

Prilikom planiranja novih mjera finansijske pomoći privredi u 2021. godini **Vlada FBiH nije u dovoljnoj mjeri osigurala sveobuhvatne analize stanja i konsultacije sa socioekonomskim akterima, kako bi se mjere adekvatno usmjerile potrebama privrednih subjekata. Konstatovan je izostanak jasnih i mjerljivih indikatora učinka za neke od realizovanih mjera i nedostatak transparentnih informacija o realizovanim mjerama.**

**Još uvijek nisu urađene analize efekata svih provedenih mjera kako bi se osigurali podaci o tome u kojem obimu je realizacija mjera doprinijela smanjenju negativnih ekonomskih posljedica pandemije.**

Provedeno praćenje ukazuje na potrebu kontinuiranog praćenja stanja i potreba privrednih subjekata, radi adekvatnog planiranja i realizacije mjera ekonomske podrške privredi i efikasnog djelovanja nadležnih institucija. **Ured za reviziju cijeni da se preporuke date u Izvještaju revizije učinka „Efikasnost planiranja i realizacije mjera za ublažavanje ekonomskih posljedica pandemije COVID-19“ trebaju koristiti i prilikom planiranja i realizacije drugih mjera namijenjenih prevazilaženju kriznih situacija.**



**GENERALNI REVIZOR**  
**Dževad Nekić**